

第八九冊目次

撰集百緣經十卷 吳支謙譯	一
出曜經二十卷 姚秦竺佛念譯	一一六
賢愚因緣經十三卷(一) 元魏慧覺譯	五〇八

撰集百緣經卷第一

經一

吳月支優婆塞支謙譯

菩薩授記品第一

滿賢婆羅門遙請佛緣一

佛在王舍城迦蘭陀竹林時彼南方有一婆羅門名曰滿賢財寶無量不可稱計似毗沙

乙

迦生

門天德信賢善體性調順自利利他慈愍衆生如母愛子於異學所施設大會種種餽饈常恒供養百千諸外道等希望欲求生梵天上時彼滿賢有一親友從王舍城來詣彼國到滿賢所歎佛法僧所有功德名聲遠徹三達遐鑒名婆伽婆今在王舍城迦蘭陀竹林爲諸天龍夜叉乾闥婆阿脩羅迦樓羅緊那羅摩睺羅伽人非人等國王長者及諸民衆皆共供養尊重讚歎彼所修習其味精妙遍于世界無不欽仰時婆羅門聞彼親友歎佛功德深生信敬尋上高樓手執香花長跪合掌遙請世尊作如是言如來今者實有功德

使我所燒香氣馥鬱遍王舍城并所散花當佛頂上於虛空中變成花蓋作是誓已香花尋至當佛頂上變成花蓋香烟垂布遍王舍城尔時阿難見斯變已前白佛言如此香雲爲從何來佛告阿難南方有國名曰金地彼有長者字曰滿賢遙請於我及比丘僧吾當往彼受其供養汝等各自皆乘神通往受彼請時諸比丘受佛勅已乘虛往去向祠不遠佛以神力隱千比丘唯現單已執持應器至滿賢所尔時長者聞佛來至將五百徒衆各各賫持百味飯食奉迎如來見佛世尊三十二相八十種好光明暉曜如百千日安詳雅步威儀可觀前禮佛足善來世尊慈哀憐愍今見納受我等施食佛告長者設欲施者投此鉢中及五百徒衆所賫飲食各各手自投佛鉢中不能使滿奇哉世尊有是神力心即調伏千比丘僧鉢亦皆滿忽然現前遶佛世尊時彼長者嘆未曾有即便以身五體投地

發大誓願持此施食善根功德未來世中盲冥衆生爲作眼目無歸依者爲作歸依無救護者爲作救護未解脫者爲作解脫未安隱者爲作安隱未涅槃者令入涅槃發是願已佛便微笑從其面門出五色光遍照世界作種種色遶佛三匝還從頂入二此時阿難前白

涇一

二

三

佛言如來尊重不妄有笑有何因緣今者微笑唯願世尊敷演解說佛告阿難汝今頗見富那長者供養我不阿難白言唯然已見於未來世過三阿僧祇劫具菩薩行修大悲心滿足六波羅蜜當得成佛号曰滿賢過度衆生不可限量是故微笑耳佛說是滿賢緣時

有得須陀洹者斯陀含者阿那含者阿羅漢者有發辟支佛心者有發無上菩提心者此時諸比丘聞佛所說歡喜奉行

名稱女請佛緣二

佛在毗舍離獼猴河岸重閣講堂此時世尊著衣持鉢將諸比丘入城乞食到師子家時

彼長者有一兒婦字曰名稱見佛威顏種種相好莊嚴其身前白大家如此之身頗可得不姑即答言汝今若能修諸功德發於無上廣大心者亦可獲得所有相好時彼兒婦聞此語已便從姑妣求索財物設會請佛飯食已訖持種種華散佛頂上在虛空中變成華

蓋隨佛行住見是變已喜不自勝五體投地發大誓願以此供養所作功德於未來世盲冥衆生爲作眼目無歸依者爲作歸依無救護者爲作救護無解脫者爲作解脫無安隱者爲作安隱未涅槃者爲作涅槃此時世尊觀彼女人發廣大心即便微笑從其面門出

涇一

三

望

五色光遍照世界作種種色遶佛三匝還從頂入此時阿難前白佛言如來尊重不妄有笑有何因緣今者微笑唯願世尊敷演解說佛告阿難汝今見此名稱女人供養我不阿難白言唯然已見今此名稱發大廣心善根功德過三阿僧祇劫具菩薩行修大悲心滿

足六波羅蜜當得成佛名曰寶意廣度衆生不可限量是故笑耳佛說是名稱緣時有得須陀洹者斯陀含者阿那含者阿羅漢者有發辟支佛心者有發無上菩提心者尔時諸比丘聞佛所說歡喜奉行

懶惰子難陀見佛緣三

佛在舍衛國祇樹給孤獨園時彼城中有一長者財寶無量不可稱計唯有一子名曰難陀其爲懶惰常喜睡眠不肯行坐然極聰慧與衆超絕於寢卧中聽採經論無不博達其中義味時父長者見子聰明善解經論作是念言我今當請富蘭那等外道六師來至家中令教我子作是念已設諸餽饌尋即請呼飯食已訖白六師言我唯一子甚爲懶惰眠不肯起唯願大師爲我教詔令修家業及以經論時六師等即共相將往到子所而卧不起況復爲其請命敷坐時父長者見子如是以手支頰甚用苦惱憂愁不樂尔時世尊常

以大悲晝夜六時觀察衆生誰受苦惱輒往至彼爲其說法使令開解即便見彼長者爲子所惱扶頰而坐將諸比丘來至其家於時懶子忽然驚起爲佛敷座前禮佛足却坐一面佛即爲其種種說法呵責懶惰多諸過咎尋自悔責深生信敬佛便授其一栴檀杖與

彼懶子汝今若能於精勤中少加用心扣打此杖所出音聲甚可愛樂聞此聲已能見地中所有伏藏時窺惰子尋即取杖扣打出聲皆悉得見地中伏藏喜不自勝而作是念我今於此精勤之中少許用心尚能獲得如是大利況復勤加役身出力於將來世必獲無

淫一

四

主

上大利益事我今當就勤加役力入海採寶作是念已即便唱令告衆人言誰欲入海採大珍寶我爲商主衆人競集共作要誓入于大海各獲珍寶皆安隱還設諸餽饌請佛及僧供養訖已佛即爲其種種說法心開意解即便以身五體投地發大誓願以此供養善

根功德使未來世盲冥衆生爲作眼目無歸
依者爲作歸依無救護者爲作救護無解脫
者爲作解脫無安隱者爲作安隱未涅槃者
令使涅槃發是願已佛便微笑從其面門出
五色光遶佛三匝還從頂入尔時阿難前白
佛言如來尊重不妄有笑以何因緣今者微
笑唯願世尊敷演解說佛告阿難汝今頗見
是懶惰子入海採寶設諸餽饍供養我不阿
難白佛言唯然已見此懶惰子於未來世過
三阿僧祇劫當得作佛号精進力過度衆生
不可限量是故笑耳尔時諸比丘聞佛所說
歡喜奉行

五百商客入海採寶緣四

佛在舍衛國祇樹給孤獨園時彼城中有一
商主將五百賈客共入大海船破還迴晝夜
勤加跪拜諸神以求福祐第二第三重復一
海船壞如前時彼商主福德力故竟不溺水
還達本土生大苦惱作是念言我曾聞有

淫一

五

坐

佛世尊得一切智諸天世人無有及者哀愍
衆生自利利他我今當稱彼佛名号入于大
海若安隱還當以所得珍寶之半奉施彼佛
作是念已即集商人共入大海稱佛名号大
獲珍寶安隱迴還達到家中觀其實物愛戀
貪惜不肯施佛作是念言若減此寶持半與
者自無幾許我今當就持此寶物盡持與婦
當從彼邊索少許錢市易薰陸持詣祇洹燒
香供養作是念已如其設計賣得兩錢市易
薰陸持詣祇洹燒香供養佛以神力令此香
烟發隄垂布遍覆祇洹時彼商主觀斯香烟
深於佛前時自悔責我今云何向佛世尊悞
惜此寶而不施與今者如來實有神力今此
香烟遍覆祇洹甚爲希有我今當設餽饍飲
食請佛及僧就舍供養作是念已即便長跪
請佛世尊佛默然許還歸到舍辦具飲食明
日時到遣使白佛食具已辦唯聖知時尔時
如來著衣持鉢將諸比丘往到其家受彼供

已佛爲說法慳貪過惡心開意解更取寶珠散佛頂上於虛空中變成寶蓋隨佛行住見是變已即便以身五體投地發大誓願以此供養善根功德於未來世盲冥衆生爲作眼目無歸依者爲作歸依無救護者爲作救護無解脫者爲作解脫無安隱者爲作安隱未

涅槃者使令涅槃發是願已佛即微笑從其面門出五色光遶佛三匝還從頂入尔時阿難前白佛言如來尊重不妄有笑以何因緣今者微笑唯願世尊敷演解說佛告阿難汝今見是商主以慚愧心供養我不阿難白言唯然已見今此商主以供養我故不墮地獄

畜生餓鬼生天上人中常受快樂過三阿僧祇劫當得作佛号曰寶盛度脫衆生不可稱量是故笑耳尔時諸比丘聞佛所說歡喜奉行貧人須摩持縷施佛緣五

佛在舍衛國祇樹給孤獨園時彼城中有一織師名曰須摩貧窮困苦家無升斗常行客

淫一

六

聖

織用自存活又於一日作是念言我以先身不布施故今致貧窮困苦如是我於今者復不布施於將來世遂貧轉劇作是念已我今當更勤加役力推求少物持用布施於未來世當得是報即便求索得少許縷涉道歸家至一巷中遙見世尊著衣持鉢將諸比丘入

城乞食前詣佛所尋持此縷奉施世尊世尊受已即現衣破尋用縫衣時須曼那見佛世尊縫補破衣心懷歡喜前禮佛足發大誓願即於佛前而說偈言

所施雖微少 殖大良福田 奉施世尊已 誓願後成佛 過度羣生類 其數不可量

大威德世尊 當證知此事

尔時世尊說偈答曰

汝今值我故 歸誠發信施

未來當成佛

号名曰十經

名聞遍十方

度脫不可量

尔時須摩聞佛世尊說此偈已深生信敬五體投地發大誓願持此施縷所有功德於未

來世盲冥衆生爲作眼目無歸依者爲作歸依無救護者爲作救護無解脫者爲作解脫無安隱者爲作安隱未涅槃者令使涅槃發是願已佛便微笑從其面門出五色光遶佛三帀還從頂入尔時阿難前白佛言如來尊重不妄有笑有何因緣今者微笑唯願世尊

淫一

七

坐

敷演解說佛告阿難汝今見是貧人須摩以經施我心懷歡喜發大誓願不阿難白言唯然已見彼須摩者以慙重心施我經故於未來世當得作佛号曰十經廣度衆生不可限量是故笑耳尔時諸比丘聞佛所說歡喜奉行婆持加困病緣六

佛在舍衛國祇樹給孤獨園時彼城中有一長者字婆持加甚大惡性喜生瞋恚無有人類與共親善然於六師生信敬心於後時間遇疾困病無人瞻視飲食醫藥餘命無幾作是念言我今困苦理極正尔誰能救濟我所愛命我當終身善好奉事思惟是已唯佛世

尊能救我命即於佛所生慙重心渴仰欲見尔時世尊常以大悲晝夜六時觀察衆生誰受苦惱我當往彼而拔濟之軟語說法令彼心悅若墮惡道爲設方便而拔濟之安置人天使得道果尔時如來即便觀察見彼長者爲病所困憔悴叵看無人瞻養即放光明照病者身令得清涼心即醒悟喜不自勝五體投地歸命於佛尔時世尊知婆持加善根已熟應受我化即便往詣彼長者家忽然驚起合掌奉迎善來世尊敷座而坐佛問婆持加汝今患苦何者最劇荅曰我今身心俱受苦惱佛自念言我於曠劫所修慈悲誓療衆生身心俱病時天帝釋知佛所念即詣香山採拾藥草名曰白乳以奉世尊佛得此藥授與婆持加令使服盡病悉除愈身心快樂即於佛所倍生信心即便爲佛及比丘僧設諸餽饍供養已訖復以上妙好衣價直百千兩金奉上佛僧發大誓願以此供養善根功德如

今世尊治我身心一切衆病快得安樂使我
來世治諸衆生身心俱病使得安樂發是願
已佛便微笑從其面門出五色光遶佛三帀
還從頂入尔時阿難前白佛言如來尊重不
妄有笑有何因緣今者微笑唯願世尊敷演
解說佛告阿難汝今頗見彼長者子以其病

淫一

八

生

差設供請我及比丘僧不阿難白佛唯然已
見於將來世得成爲佛号釋迦牟尼廣度衆
生不可限量是故笑耳尔時諸比丘聞佛所
說歡喜奉行

王家守池人華散佛緣七

佛在王舍城迦蘭陀竹林尔時波斯匿王未

聞有佛晝夜六時賣持香華奉事天神佛已
出世得成正覺將欲教化波斯匿王故著衣
持鉢往詣王所時波斯匿王見佛來至光明
晃昱照耀天地威儀庠序人中挺特心懷歡
喜請命使坐設諸餽饈供養訖竟佛便爲王
種種說法即於佛所深生信敬捨事天神止

不奉跪於是波斯匿王日復三時賣持香華
供養如來時送華人奉王華已自捉一華欲
詣市肆路值外道即問之曰汝賣此華爲欲
賣不荅言欲賣時須達長者復來到邊復問
彼人汝捉此華爲欲賣不皆言欲賣時此二
主各共諍競倍共償價遂至百千兩金故不

肯止時賣華人問外道言汝買此華爲何所
作外道荅言我用供養那羅延天以求福祐
次問須達長者汝買此華用作何等須達荅
言用供養佛賣華人言云何爲佛須達荅言
前觀無窮却觀無極三界中尊諸天世人皆
共敬仰時賣華人聞是語已密懷歡喜作是

淫一

九

生

念言須達長者安詳審諦而不卒暴乃於今
日爲此一華共償價數乃至百千兩金賣持
欲去今者必有大利益事不計貴賤必欲得
之時賣華人即荅二主我華不賣自欲持去
用供養佛須達聞已喜不自勝尋將彼人見
佛世尊三十二相八十種好光明普曜如百

千日甚懷信敬持所提華而散佛上於虛空中變成華蓋隨佛行住見是變已即便以身五體投地發大誓願以此散華善根功德使我來世盲冥衆生爲作眼目無歸依者爲作歸依無救護者爲作救護無解脫者爲作解脫未涅槃者令使涅槃發是願已佛便微笑從其面門出五色光遶佛三匝還從頂入介時阿難前白佛言如來尊重不妄有笑以何因緣今者微笑唯願世尊敷演解說佛告阿難汝今見此守園人不持此一華散我上者於未來世過三阿僧祇劫當得成佛号曰華盛度脫衆生不可限量是故笑耳尔時諸比丘聞佛所說歡喜奉行

二梵志各諍勝如來緣八

佛在舍衛國祇樹給孤獨園時彼城中有二梵志一者深信佛法常說如來所有功德三界中尊最爲第一其第二者深著邪見言說外道六師之徒亦最第一無與等者如是紛

紆遂共諍競無有休息乃至上聞波斯匿王召二梵志問其所由有此諍競信外道者言我所奉事富蘭那等實有神力殊勝於彼瞿曇沙門王復問彼信佛者曰汝今所事瞿曇沙門有何神力梵志荅曰我所奉事瞿曇沙門絕有神力無有及者時波斯匿王聞其二

大梵志語已而告之曰卿等今者各自稱譽所奉天神最爲第一我今爲汝到七日頭於平博處聚集人民百千万衆試彼神驗卿等二人各自燒香散花灑水請汝師等來此會中當共供養時二梵志聞王語已各相然可至七日頭王勅民衆聚集已訖時二梵志在

淫一

十

堅

大衆前各發誓願信富蘭那者尋取香花并及淨水在大衆中發大誓願若我所奉富蘭那等有神力者令此香花并及淨水於虛空中至我師所令知我心來赴此會若無神力使此香花及以淨水住而不去作是誓已尋散香花并及淨水皆住不去即便墮地時諸

大衆見是事已無有神驗各相謂言今富蘭那等實無神力虛受國中我等供養作是唱已時信佛者於大衆前復取香華及以淨水散於空中作是誓言如來今者實有神力使此香氣所散諸花及以淨水至如來所亦知我心來赴此會作是誓已尋即遙散烟雲垂

布遍覆舍衛所散諸花於虛空中變成花蓋至如來上隨佛行住及以淨水如以琉璃遙灑佛前地尋即來至時諸大衆觀斯變已歎未曾有深於佛所生信敬心捨不奉事諸外道等時彼梵志所願既獲即便以身五體投地發大誓願以此香氣散花灑水所有功德

於未來世盲冥衆生爲作眼目無歸依者爲作歸依無救護者爲作救護無解脫者爲作解脫無安隱者爲作安隱未涅槃者使令涅槃發是願已佛即微笑其面門出五色光遶佛三匝還從頂入尔時阿難前白佛言如來尊重不妄有笑以何因緣今者微笑唯願世

注一

十一

坐

尊敷演解說佛告阿難汝今見是彼大梵志香華淨水供養我不阿難白言唯然已見彼大梵志於未來世過三阿僧祇劫當得成佛号曰不動度脫衆生不可限量是故笑耳尔時諸比丘聞佛所說歡喜奉行

佛說法度二王出家緣九

佛在舍衛國祇樹給孤獨園尔時有二國王常共忿諍多害民衆晝夜陰謀無有休息時波斯匿王觀彼二王流轉生死恐難拔濟於生死中欲使解脫往詣佛所頭面禮足却坐一面白言世尊今者如來無上法王觀諸衆生有苦厄者爲作救護於闕諍間能令和解今此二王常共鬪諍多所傷害从挾怨讎不可和解唯願世尊和彼二王使不鬪諍佛即然許尔時如來於其後日著衣持鉢將諸比丘而自園遶詣波羅捺國鹿野苑中時彼二王各集兵衆始欲戰擊一則怯弱甚大惶怖退詣佛所前禮佛足却住一面佛即爲王說

非常偈

高者亦隨墮

常者亦有盡

生者皆有死

合會有離別

余時國王聞佛世尊說是偈已心開意解得須陀洹果即於佛前求索出家佛即告言善來比丘鬚髮自落法服著身便成沙門精勤

修習得阿羅漢果彼第二王聞佛世尊度其彼王以令出家心意泰然無復怖畏次來佛所頂禮佛足却坐一面聽佛說法甚懷歡喜尋請世尊佛即然可還歸本國設諸餽饌請佛及僧飯食已訖即於佛前發大誓願以此供養善根功德於未來世盲冥衆生爲作眼

目無歸依者爲作歸依無救護者爲作救護無解脫者爲作解脫無安隱者爲作安隱未涅槃者爲作涅槃發是願已佛便微笑從其面門出五色光遶佛三匝還從頂入余時阿難前白佛言如來尊重不妄有笑以何因緣今者微笑唯願世尊敷演解說佛告阿難汝

淫一

十二

坐

見此槃遮那王供養我不阿難白言唯然已見由供養我故不墮惡趣天上人中常受快樂過三阿僧祇劫當得成佛号曰無勝廣度衆生不可限量是故笑耳余時諸比丘聞佛所說歡喜奉行
長者七日作王緣十

佛在舍衛國祇樹給孤獨園時波斯匿王及阿闍世恒共忿諍各集四兵象兵馬兵車兵步兵而共交戰時波斯匿王軍衆悉敗如是三戰軍故敗壞唯王單已退入城內甚懷憂慘慙恥委地忘寢不食時有長者多財饒寶不可稱計聞王愁惱來白王言奴家多有金銀珍寶恣王所用可買象馬賞募健兒還與戰擊可得勝彼今者何故憂慘如是王即然可大出珍寶奉上與王募索健兒通行諸國以求策謀有一健兒來應其募到祇洹門中見二將士共論戰法一將士言於陣前鋒先置健夫次置中者後置劣者聞是語已還歸

白王具說將士所論兵法王聞是語即集四
兵如彼所論健者置前劣者在後尋其交戰
即破彼軍獲其象馬即便捉得阿闍世王大
用歡喜與共同載羽葆之車將詣佛所白言
世尊我於彼王長夜之中初無怨嫉而彼於
我反生怨讎然阿闍世其父先王是我親友

淫一

十二

至

不忍害命今欲放去還歸本國今時佛讚波
斯匿王善哉善哉於親非親心常平等賢聖
所讚即便爲王而說偈言

負則生憂懼 勝則懷欣慶 汝今放彼王
二俱生歡喜 若能息勝負 最妙第一樂
時波斯匿王聞佛世尊說是偈已即放阿闍

世王還詣本國自歸舍衛而自念言吾今所
以戰鬪獲勝由彼長者資我珍寶賞募將士
今得勝耳作是念已即召長者而告之言吾
由汝故資我珍寶賞募勇健戰鬪得勝我今
當還報卿之恩恐汝所願是時長者跪白王
言施我無畏敢有所道王即荅言聽汝所說

長者白言我今願欲代王七日治政天下王
尋聽許滿長者願即爲繫繯立正爲王繫鼓
唱令使其境內咸令聞知皆得自在尋即遣
使勅諸小王各令七日罷諸王課來朝拜我
歸依三寶請佛供養七日既滿甚大歡悅即
便以身五體投地發大誓願持此七日作王

功德於未來世盲冥衆生爲作眼目無歸依
者爲作歸依無救護者爲作救護無安隱者
爲作安隱無解脫者爲作解脫未涅槃者令
使涅槃發是願已佛便微笑從其面門出五
色光遠佛三帛還從頂入今時阿難前白佛
言如來尊重不妄有笑以何因緣今者微笑
唯願世尊敷演解說佛告阿難汝今願見彼
大長者七日作王不阿難白言唯然已見彼
大長者由請我故於未來世過三阿僧祇劫
當得作佛号曰最勝廣度衆生不可限量是
故笑耳佛說是長者作王緣時有得須陀洹
者斯陀含者阿那含者阿羅漢者有發辟支

佛心者有發無上菩提心者尔時諸比丘聞
佛所說歡喜奉行

十業

百緣經卷第一

涇一

舖儲下音微咲下音名稱下音河圻下音顚下音去祠

姑如下音支頰下音賈客下音溺水下音寢卧下音教詔下音要誓下音

邀賈客下音溺水下音寢卧下音教詔下音要誓下音

支頰下音賈客下音溺水下音寢卧下音教詔下音要誓下音

邀賈客下音溺水下音寢卧下音教詔下音要誓下音

支頰下音賈客下音溺水下音寢卧下音教詔下音要誓下音

邀賈客下音溺水下音寢卧下音教詔下音要誓下音

支頰下音賈客下音溺水下音寢卧下音教詔下音要誓下音

邀賈客下音溺水下音寢卧下音教詔下音要誓下音

支頰下音賈客下音溺水下音寢卧下音教詔下音要誓下音

邀賈客下音溺水下音寢卧下音教詔下音要誓下音

支頰下音賈客下音溺水下音寢卧下音教詔下音要誓下音

邀賈客下音溺水下音寢卧下音教詔下音要誓下音

支頰下音賈客下音溺水下音寢卧下音教詔下音要誓下音

邀賈客下音溺水下音寢卧下音教詔下音要誓下音

支頰下音賈客下音溺水下音寢卧下音教詔下音要誓下音

邀賈客下音溺水下音寢卧下音教詔下音要誓下音

撰集百緣經卷第二

涇二

吳月支優婆塞支謙譯

報應受供養品第二

船師請佛度水緣十一

佛在舍衛國祇樹給孤獨園伊羅拔河邊有
諸船師止在河側尔時如來將諸比丘詣彼

聚落欲度於水化諸船師是諸人等見佛來

至各懷歡喜乘船度水前禮佛足白言世尊

明日屈意乘船度水佛即然可莊嚴船舫平

治道路除去瓦石污穢不淨豎立幢幡香水

灑地散衆妙華莊嚴船舫待佛及僧尔時世

尊明日時到將諸比丘往至河側乘船度水

至彼聚落敷座而坐諸船師等察衆坐定手

自斟酌餽饌飲食供養訖已皆於佛前渴仰

聞法尔時世尊即爲如應說四諦法心開意

解有得須陀洹者斯陀含者阿那含者乃至

發於無上菩提心者時諸比丘見是供養及

度於水惟未曾有前白佛言如來先世宿植

度於水惟未曾有前白佛言如來先世宿植

度於水惟未曾有前白佛言如來先世宿植

度於水惟未曾有前白佛言如來先世宿植

度於水惟未曾有前白佛言如來先世宿植

何福今者乃有如是自然供養及以度水。今時世尊告諸比丘。汝等諦聽。吾當為汝分別解說。乃往過去無量世時。波羅捺國有佛出世。号毗閭婆。將諸比丘遊行他國。教化衆生。至一河側。有諸商客。賣持珍寶。從他邦來到。彼岸見佛。世尊及六万二千阿羅漢衆。深生信敬。前白佛言。欲度水耶。佛即然可。設諸餽饍。供佛僧已。唯願世尊在前。而度。儻有劫賊奪諸比丘衣鉢。所須。今時世尊即便度水。為諸商人種種說法。各懷歡喜。發菩提心。即授商主記。汝於來世當得作佛。号釋迦牟尼。廣度衆生。不可限量。佛告諸比丘。欲知彼時商主者。則我身是。彼時商客者。今六万二千阿羅漢。是皆由彼時供養佛故。無量世中。不墮惡趣。天上人中。當受快樂。乃至今者。自致成佛。故有人天來供養我。今時諸比丘聞佛所說歡喜奉行。

灌頂王請佛緣十二

佛在王舍城迦蘭陀竹林。今時世尊將諸羅漢六万二千。詣指毗羅國。彼諸民衆。稟性賢善。慈仁孝順。意志寬博。於時如來作是念言。吾今當作牛頭栴檀重閣講堂。化彼民衆。作是念已。時天帝釋知佛心念。即共天龍夜叉。鳩槃荼等各各賣持牛頭栴檀樹奉。上世尊。

經二

二

為於如來造大講堂。天諸牀檣。卧具被褥。天須陀食。自然備有。供養佛僧。時彼民衆見是事已。惟未曾有。各作是言。今者如來乃能有是大功德。利乃感諸天。置斯供養。即共同時往詣佛所。前禮佛足。却住一面。佛即為其說四諦法。心開意解。有得須陀洹者。斯陀含者。阿那含者。乃至發於無上菩提心者。時諸比丘見是諸天所獻供養。及以牀檣。嘆未曾有。而白佛言。不審如來宿植何福。乃使諸天置斯供養。今時世尊告諸比丘。汝等諦聽。吾當為汝分別解說。乃往過去無量世時。波羅捺國有佛出世。号曰梵行。將諸比丘遊行教化。

到灌頂王所聞佛來至出城奉迎前礼佛足
請佛及僧臨顧屈意受我三月四事供養佛
即然可尋便安置重閣講堂牀檣卧具及諸
餽饌供養三月復以妙衣各施一領佛便爲
王種種說法心懷歡喜發菩提心即授王記
汝於來世當得作佛号釋迦牟尼過度衆生
不可限量佛告諸比丘欲知彼時灌頂王者
則我身是彼時羣臣者今六萬二千阿羅漢
是皆由彼時供養佛故無量世中不墮惡趣
天上人中常受快樂乃至今者自致成佛故
有人天來供養我今時諸比丘聞佛所說歡
喜奉行

淫三

三

法護王請佛洗浴緣十三

佛在舍衛國祇樹給孤獨園時彼城中有五
百賈客往詣他邦販賣求利涉路進引到曠
野中迷失逕路靡知所趣值天暑熱渴乏欲
死各各跪拜諸天神等以求福祐皆無有感
時諸商中有一優婆塞白衆人等如來世尊

常以大悲晝夜六時觀察衆生誰受苦厄而
往拔濟我等今者咸共至心稱南無佛陀以
救苦厄時諸商客聞是語已各各同聲稱南
無佛陀願見救濟此諸渴熱於時如來遙聞
衆客稱佛名号與天帝釋尋往到彼諸賈客
所降大甘雨熱渴得除各懷歡喜達到本國
請佛及僧佛即然可豎立幢幡懸諸寶鈴香
水灑地散諸妙華燒種種香備辦餽饌往白
世尊唯聖知時食具以辦今時世尊著衣持
鉢將諸比丘往至其家受彼供已時諸商人
渴仰聞法佛即爲其種種說法心開意解有
得須陀洹者斯陀含者阿那含者乃至發於
無上菩提心者時諸比丘見是事已而白佛
言如來世尊宿植何福乃使商客置斯供養
復獲道果今時世尊告諸比丘汝等諦聽吾
當爲汝分別解說乃往過去波羅捺國有佛
出世号栴檀香將諸比丘詣法護王國值天
元旱苗稼不收王聞佛來將諸羣臣奉迎世

尊受我三月四事供養佛即然可於其城內
復造浴池洗浴佛僧發大誓願持此功德願
天帝釋降大甘雨遍閻浮提潤益苗稼給濟
衆生發是願已天尋降雨莫不蒙賴即造入
萬四千寶瓶盛佛浴水賜閻浮提入萬四千
諸城各與一瓶勅令造塔而供養之因發無
上菩提之心時栴檀香佛即授王記汝於來
世當得成佛号釋迦牟尼廣度衆生不可限
量佛告諸比丘欲知彼時法護王者則我身
是彼時羣臣者今諸比丘是皆由彼時供養
佛故無量世中不墮惡趣天上人中常受快
樂是故今者得致成佛故有人天來供養我

爾時諸比丘聞佛所說歡喜奉行

佛救濟疫病緣十四

佛在王舍城迦蘭陀竹林時那羅聚落多諸
疫鬼殺害民衆各競求請諸天善神憐望疫
病漸得除降如是數跪病無降愈時聚落中
有一優婆塞語衆人言如來在世利安衆生

我等當共一心稱南無佛陀以求救濟病苦
之患時諸人等聞是語已咸各同時稱南無
佛陀唯願世尊大慈憐愍覆蔭我等疾疫病
苦尔時世尊常以大悲晝夜六時觀察衆生
誰受苦厄尋往化度使修善法永拔諸苦見
此疫病諸人民等同時一心稱佛名号以救
疫病尔時如來將諸比丘往彼聚落以大慈
悲熏諸民衆勸令修善疫鬼同時皆悉退散
無復衆患時聚落人見於如來利安民衆各
作是言我等今者蒙佛遺恩得濟軀命明當
設會請佛世尊作是語已各詣佛所前禮佛
足長跪請佛唯願世尊受我等請佛即然許
時諸民衆知佛許已還歸家中平治道路除
去瓦石污穢不淨豎立幢幡懸諸寶鈴香水
灑地散諸妙華安置牀檣備辦餚饌往白世
尊食具已辦唯聖知時尔時世尊著衣持鉢
將諸比丘來入聚落受其供已時諸民衆渴
仰聞法佛即爲其種種說法心開意解有得

經二

五

須陀洹者斯陀含者阿那含者乃至發於無上菩提心者時諸比丘見是事已而白佛言如來世尊宿植何福乃感民衆置斯供養及除疫病今時佛告諸比丘衆汝等諦聽吾當爲汝分別解說乃往過去波羅捺國有佛出世号日月光將諸比丘至梵摩王國受王供已長跪白佛願見救濟此諸民衆災疫疾患今時世尊尋持所著僧伽梨衣授與彼王繫于幢頭各共供養疫鬼同時自然退散無復災患王大歡喜發菩提心佛授王記汝於來世當得作佛号釋迦牟尼廣度衆生不可限量佛告諸比丘欲知彼時梵摩王者則我身足彼時羣臣者今諸比丘是皆由彼時供養佛故無量世中不墮惡趣天上人中常受快樂是故今者致得成佛故有人天來供養我今時諸比丘聞佛所說歡喜奉行

天帝釋供養佛緣十五

佛在王舍城迦蘭陀竹林今時提婆達多極

大愚癡憍慢嫉妬教阿闍世王立非法制擊鼓唱令不聽民衆賈持供養詣瞿曇所時彼城中有信佛者聞是制限憂愁涕泣悲感懊惱感天宮殿動搖不安時天帝釋作是念言我此宮殿有何因緣如是動搖尋自觀察見阿闍世王立非法制令彼城人憂愁涕泣感我宮殿動搖如是尋即來下高聲唱言我今自當供養佛僧作是唱已即往佛所前禮佛足長跪請佛唯願世尊及比丘僧盡其形壽受我供養佛不然可復白佛言若不受我終身供養當受五年佛亦不許復白佛言若不

受五年當受五月佛亦不許復白佛言若不

受五月當受五日佛即然可尋變迦蘭陀竹林如毗闍耶殿牀檣卧具天酥陀食盛以金器與諸天衆手自斟酌供養佛僧時阿闍世王在高樓上遙見迦蘭陀竹林猶天宮殿天酥陀食盛以寶器見天帝釋與諸天衆手自斟酌供養佛僧時阿闍世王觀斯事已即自

經二

六